

DEPORTE

ORANJESTAD(AAN)—
E veterano dirigente di deporte, señor Johnny Oduber, ayeranochi a ser eligi pa Aruba Boxing Commission como nan promer Miembro di Honor.

Ta asina cu señor Oduber a bira miembro di e comision di boxeo di Aruba na aña 1960 y pa 25 aña largo a keda masha activo den e Comision.

Pa motibonan di su salud, señor Oduber a haya su mes obliga pa retira di e comision di boxeo, algo cu e ta lamenta masha hopi.

Na nomber di e comision, e presidente Roy van Putten a elogia señor Oduber pa e manera cu semper el a dedica su mes na boxeo profesional.

E tabata tin elogio pa

e manera cu señor Oduber semper a ejecuta su tarea nan. E tabata un persona ejemplar.

Ora cu e tabata tin un tarea di haci e tabata haci di biaha. Su sistema di follow up ariba trabao por sirbi como un bon ejemplo pa hopi dirigentenan di deporte.

Un bon caracteristico di señor Oduber tambe ta su capacidad di tuma un decision ora cu esaki ta necesario.

Un certificado di Miembro di Honor y un plaque a keda entrega na señor Oduber den presencia di e miembronan Charlie Robert, Marco Bislip, Dr. Cyrill Zaandam, Señora Susan Solognier y Roy van Putten.

JOHNNY ODUBER A SER HONRA PA ARUBA BOXING COMMISSION



TORNEO COPA TERCER LUSTRO NACIONAL

ORANJESTAD(AAN)—
Ariba veld di Nacional na Palm Beach diana 24, 31 di Maart y 7 di April lo tuma lugar e encuentronan deportivo.

Dia 24 di Maart pa 10 or di mainta Monserat lo enfrente Santa Helena pa Ganador A, mientras cu pa 11 or Washington lo enfrente Cero Janchi pa Ganador B.

Pa 12 or Ponton lo topa cu Bucurui pa Ganador C y pa 1 or di merdia Pos Abao lo enfrente Bubali pa Ganador D.

Pa 2 or di merdia Ganador A lo enfrente Ganador B pa Ganador E mientras cu pa 3 or Ganador C lo enfrente Ganador D pa Ganador F.

E final lo ta pa 4.30 or ora Ganador E enfrente Ganador F.

Dia 31 di Maart pa 10 or di mainta Dividivi lo enfrente Concord Hotel pa Ganador A; pa 11.30 Aruba Beach Club lo enfrente American Hotel pa Ganador B; pa 1 or di merdia Holiday Inn lo enfrente Aruba Palm Beach pa Ganador C y pa

3 or di atardi Bubali SC lo enfrente Jong Aruba pa Ganador X mientras cu pa 4.30 Nacional lo enfrente Dep. Stadion pa ganador Y.

Dia 14 di April pa 10 or di mainta Ganador A lo enfrente Ganador B pa ganador D.

Pa 11.30 or Bubali Vets lo enfrente Concord Vets pa Ganador I. Pa 1 or di merdia Nacional Vets lo enfrente Jong Aruba Vets pa Ganador II.

Pa 2.15 or di merdia Final entre Ganador C y D y pa 3.45 or final Ganador E y Ganador II.

Pa 5 or di atardi lo tin e gran final entre Ganador X y Ganador Y.

Lo tin bar y cushina bon surti.

E torneo ta wordo hunga bao di e sistema eliminatorio. Pa e teamnan di barionan, e duracion ta 2 bez 25 minuut y e final ta dos bez 45 minuut.

Pa e teamnan comercial e duracion tabata 2 bez 30 minuut y e final ta 2 bez 45 minuut.

Pa e teamnan afilia na AVB e duracion ta dos bez 35 minuut y e final ta dos

bez 45 minuut.

Pa e teamnan di Veterano, e duracion ta dos bez 30 minuut y e final ta dos bez 35 minuut.

Den caso di empate, lo tira penalty pa determina e ganador.

Si den e wega final tin empate, lo hunta 7 minuut y mey extra pa banda. Si

despues di esaki ainda tin empate lo tira penalty di acyerto cu reglas existente di Fifa.

Por haci cinco cambio durante wega incluyendo e portero. No ta acepta protesta ariba decision di referee.

Tur team mester ta debidamente uniforme.

Veterano mester ta di 30 aña pariba. Directiva di Nacional ta pidi cooperacion di tur club pa presenta na e hora stipula. Den tur caso cu reglamento no ta prescribi, Directiva di Nacional lo tuma decision.

Lo tin un trofeo pa campeon y subcampeon.

DIRECTIVA NOBO ALTB

ORANJESTAD(AAN)—

Un directiva nobo a ser eligi pa Aruba Lawn Tennis Bond cu awor ta ser presidi pa Maiky Lacle. Prome tesorero a bira Sr. Boy Escalona, 2do tesorero Shon No Maduro, prome secretario Beatrix Gooskens y segundo secretario Julio Croes, public relations ta den man di Rudy

Croes, lider di campeonato Jose Jansen y seccion

juvenil ta ser dirigi pa Carla Ruiz.

TUR ATARDI DI DIALUNA PA DIAVIERNA
DI 5or PA 7or

E Programa di tur Estilo

SINTONIA ABSOLUTO
DEN 85

NO-MISHI CU E VENENO CU YAMA DROGA.

FADA